

Plenchi

Bèl a bati

TRINGG TRINGGG bèlèm..... TRINGG TRINGGG bèlèm.....

Un aña nobo a hasi su entrada. Speransa pa kambio positivo pa nos tur. Plenchi ta kontentu di tin bo di bishita riba nos plenchi di skol. Nos tin atrobe diferente informashon pa komparti ku boso. Nos tin un gobiernu nobo den aña nobo. Maske ta hopi vuurwerk nos a mira i tende kaba den a arena polítiko, nos ta spera ku despues di e tirunan i tur e bochincha nos por drenta den e temporada mas trankil i positivo. Paso e menshahe ku nan a manda no tabata nada agradabel pa manda pa un pueblo. Kaminda enbes di bringa ku otro i kontra otro, tur nos parlamentario i mandatarionan por hinka nan tempu i energia pa traha pa nos pueblo. Pesei nos a vota pa nan. Nos mester di liderasko inspirativo di kada un di nos ministernan i nos parlamentarionan. Nan mester inspirá konfiansa i determinashon pa traha pa nos pais. Nos ta keda karga speransa pa nos por mira na final di aña resultadonan positivo pa nos pais.

Ku fayasimentu di sr. Lio Capriles Korsou a perde un baluarte sigur. Un persona ku un kurason noble, un persona positivo ku semper a duna su konsehonan pa un mihó Korsou. Pa hopi e tabata mas ku un komersiante, e tabata un amigu konsehero. Nos di Rk semper tabatin hopi respet pa su persona i su konsehonan. Asina tin kualke diskushon o polemika e ta kue telefon i yama muestra su sosten i duna su konsehonan. Nos ta gradisido pa su balor grandi na bienestar di nos pais. Tur nos skolnan ta masha gradesido na e atenshon i kontibushon na mehorá kalidat di bida.

Korsou i RK en partikular ta yama nos Tata Santu, danki pa duna nos e privilegio di tabatin un persona asina biba mei mei di nos, Nos ta pidi bon Tata pa tumé den su brasa i duna su alma deskanso eterno. Paps pa semper den nos kurason.

Deskanso na alma di sra Lucinda da Costa Gomez, un gran dama. Un perona ku etiketa di desensia e respèt. Un pasifikadó ku un asaerkamentu semper konstruktivo.

Nos a perde dos baluarte pero danki Dios nos tin hopi strea ta bria na horizonte. Djabierne último nos a pone e hubilarionan di RK den lus. Nos ta masha gradisido na nan trabou i dedikashon..

Nos tabatin 2 persona ku a kumpli 45 aña trahando den edukashon, 11 persona ku a kumpli 40 aña, 12 ku a kumpli 35 aña, 11 persona ku a kumpli 30 aña i 16 persona ku a kumpli 25 aña trahando. Otro siman nos lo kompartí e potrètnan ku boso.

Riba roster



Not'é riba bòrchi

1977 Lucinda E. da Costa Gomez-Matheeus, Netherlands Antilles (The Netherlands)

Minister di salu I medio ambiente, Asuntunan social, Hubentut, Sport, Kultura I rekreashon 1970-1977.

Na 1977 Minister Presidente i Minister di Asuntunan General. Tambe e tabata Vice-Presidente di NVP 1971-76 I na 1995 Miembro di Raad van Advies, E tabata biuda di Dr. M.F. da Costa Gomez (1907-66), Premier di Antia Hulandes 1951-54.

Danki gran dama, pa bo amor pa Korsou, bo dedikashon i bon ehèmpel.



Lio (Paps) Capriles, Paps

Lionel 'Paps' Capriles, a fayese na edat di 83 aña despues di un temporada interná den hospital. Paps tabata presidente/direktor di e banko di mas grandi na Korsou i islanan ruman. Semper e tabata hopi envolví den proyektonan i aktividatnan sosial. Otro responsabilidatnan ku e tabatin ta presidente di Kamer van Koophandel, presidente di Stichting Maatschappij en Politie, presidente di Reda Sosial, miembro di Raad van Advies, president komesaris di Rif Resort i di WTC. Na edat di 70 aña Paps a baha ku penshun, pero a keda traha komo presidente di Raad van Commissarissen di banko.

Korsou ta bendishoná di tabatin un persona asina balioso riba nos isla. Danki Paps, lo bo keda pa semper den nos kurason.



Den agènda

Karnaval di mucha	19 Februari
Karnaval di tiner	24 februari
Karnaval grandi	26 febr.

Liber di skol	20 febr, 27 febr, 28 febr 1 mart.
----------------------	--

Orashon

**Pa Señor guiabu i protegebu
Den bo kosnan di hasi di tur dia.
Pa su amor ta semper huntu ku bo.
SU promesa ta real.**

**No opstante ki turbulensia bo hañabu aden,
Bo sa ku Dios lo no lagabu bandoná.**

**Entregá bo problemanan na
Señor i Dios lo hasi sobrá.**

Mi ta konta

Asina Rk kantor a sera aña 2016







Un preñchi

Pabien na st. Paulus VSBO ku nan logro kampion futsal korsou. Tabata un bataya fuerte entre st. Jozef VSBO i st. Paulus VSBO, pero st. Paulus a ganá e partido. Pabien na tur dos ekipo i personal completo di e skolnan. Nos ta orguyoso di nos skolnan.



E tim kampion di st Paulus VSBO